



সাবেক স্পিকার ব্যারিস্টার জমির উদ্দিন সরকার আর নেই



সাবেক স্পিকার ব্যারিস্টার জমির উদ্দিন সরকার। ছবি: সংগৃহীত

জাতীয় সংসদের সাবেক স্পিকার এবং সাবেক অস্থায়ী রাষ্ট্রপতি ব্যারিস্টার জমির উদ্দিন সরকার আর নেই। রোববার (১২ জুলাই) ভোর ৪টা ১৯ মিনিটে রাজধানীর একটি হাসপাতালে চিকিৎসাধীন অবস্থায় তিনি শেষ নিশ্বাস ত্যাগ করেন। মৃত্যুকালে তার বয়স হয়েছিল ৯৪ বছর।

পারিবারিক সূত্রে জানা গেছে, বয়সজনিত বিভিন্ন শারীরিক জটিলতায় তিনি বেশ কিছুদিন ধরে ভুগছিলেন এবং চিকিৎসকদের তত্ত্বাবধানে ছিলেন। ১৯৩১ সালের ১ ডিসেম্বর পঞ্চগড় জেলার তেঁতুলিয়া উপজেলার নয়াবাড়ি গ্রামে জন্মগ্রহণ করেন ব্যারিস্টার জমির উদ্দিন সরকার। আইন, রাজনীতি এবং সংসদীয় কার্যক্রমে দীর্ঘ সময় ধরে তিনি গুরুত্বপূর্ণ ভূমিকা পালন করেছেন।

অষ্টম জাতীয় সংসদের স্পিকার হিসেবে দায়িত্ব পালন করেন তিনি। এছাড়া ২০০২ সালে দেশের সাংবিধানিক প্রক্রিয়ার অংশ হিসেবে অস্থায়ী রাষ্ট্রপতির দায়িত্বও পালন করেছিলেন। রাজনৈতিক জীবনে তিনি দীর্ঘদিন বাংলাদেশ জাতীয়তাবাদী দল (বিএনপি)-এর রাজনীতির সঙ্গে যুক্ত ছিলেন। সংসদীয় গণতন্ত্রের চর্চা এবং আইন প্রণয়ন কার্যক্রমে তার অবদান বিভিন্ন সময় আলোচিত হয়েছে।